



Introdukshon

E map akí ta kontené informashon tokante e eksposishon, e material di lès i tep pa guia e programa.

Banda di esakinan bo ta haña flyer pa promové e eksposishon na skolnan i serka otro interesado. Tambe e ta kontené un manual tékniko konsiso pa harma i strukturá e eksposishon.

Kontenido di e map

- introdukshon
- buki di trabou o buki di tarea 9 – 12 aña
- buki di trabou o buki di tarea 13 – 15 aña
- manual pa dosente i pa e guia di eksposishon
- tep pa guia e eksposishon
- manual pa harma e eksposishon
- flyer promoshonal

Eksposishon

E eksposishon *Lesá & skirbí ku Anne Frank* ta destiná pa mucha di 9 – 15 aña. E material di lès korespondiente ta konsistí di dos buki di tarea: di 9 – 12 aña i di 13 – 15 aña. A desaroyá e eksposishon akí spesialmente pa mucha ku por lesa kaba i teenager i e ta konta historia di bida di Anne Frank. Ta duna atenshon spesial na



e diario di Anne Frank, pero tambe na su buki di kuenta i su buki di frase bunita.

Metanan

- 1 Sera konosí ku Anne Frank komo eskritora;
- 2 promové lesamentu i skirbimentu ku Anne Frank komo ehèmpel, pa medio di tareanan creativo;
- 3 konosé historia di famia Frank.

Biblioteka ta e lugá mas adekuá pa e eksposishon, pero por tene e eksposishon na un otro lugá tambe.

Material di lès

E material di lès ta disponibel grátis online riba website di Fundashon Anne Frank (www.annefrank.org). E tepnan pa guia e programa tambe ta disponibel online. Nan ta pa e kolaboradó na e sitio kaminda ta tene e eksposishon (por ehèmpel e funshonario di biblioteka), pero tambe pa dosente. Ta rekomendabel prepará e muchanan den klas promé, ma si ta nesario por hasi esaki na e eksposishon tambe. Den e kaso ei e programa na e eksposishon lo tuma mas tempu.

TEP: A desaroyá un buki di tarea (9 – 12) apart pa Hulanda. Den dje Anne Frank ta figurá komo parti di Canon van Nederland (resúmen di persona, fenómeno, arte, etcetera konsiderá importante pa Hulanda). A traves di fuentenan literario e muchanan ta sera konosí ku historia di famia Frank. Altamente rekomendabel!

Téknika

Por harma e eksposishon di un manera fásil. E manual ta splika punto pa punto kon mester harma e konstrukshon i ta duna tep pa krea un bon ámbito pa lesa i skirbí.

Programa

Biblioteka (òf un otro lokalidat) ta harma e eksposishon, ta promov'é na skolnan (usando e flyer) i ta risibí e gruponan. Por taip e adrès di e-mail di biblioteka riba e flyer i prent e. A skirbí un manual pa tur dos buki di tarea den kua ta deskribí kon ta risibí e gruponan i alabes ta duna ehèmpel konkreto pa esaki.

Fundashon Anne Frank ta deseá bo hopi éksito ku organisashon i ehekushon di e programa!